

«Т А С Д И Қ Л А Й М А Н»
Павел Беньков номидаги РИРМ директори



Қозғалтма расми
Б. Ақимов
« 2022 йил

ТАНЛОВ ҲУЖЖАТИ

**Павел Беньков номидаги Республика ихтисослаштирилган рассомлик мактаб
“Б” блокнинг эшинлари ва хожатхоналарни жорий таъмишлаш бўйича энг яхши
таклифлар танлови ўтказиш**

1. Умумий қоидалар

1.1. Мазкур ҳужжат Павел Беньков номидаги Республика ихтисослаштирилган рассомлик мактаб (кейинги ўринларда танлаш деб юритилади), жумладан танлаш таклифларини бериш, уни расмийлаштириш, кўриб чиқиш ва баҳолаш, танлов натижалари бўйича шартнома тузиш тартибини белгилайди.

1.2. Павел Беньков номидаги Республика ихтисослаштирилган рассомлик мактаб “Б” блокнинг эшиклари ва хожатхоналарни жорий таъмишлаш бўйича энг яхши таклифлар танлови ўтказиш Ўзбекистон Республикасининг “Давлат харидлари тўғрисида”ги Қонуни талаблари асосида ўтказилади.

2. Танлаш иштирокчиларининг таклифларини бериш тартиби

2.1. Танлаш иштирокчилари (мулкчилик шаклидан қатъий назар, танлаш талабларида кўрсатилган ишларни бажариш бўйича тажрибага эга бўлган ташкилотлар) нинг таклифлари ип билан тикилган, рақамланган, муҳр қўйилган ва талабгорнинг ваколатли шахсининг имзоси билан тасдиқланган ёки таклифларнинг ҳар бир варағи имзоланган ҳолда ва муҳрланган конвертларда (конвертнинг елимланган жойига талабгорнинг муҳри босилади) тақдим этилади, унда техникавий, молиявий, моддий, кадрлар ресурсларининг ҳамда бошқа ресурсларнинг мавжудлигига оид маълумотлар техник ва тижорат таклифлари билан бирга Тошкент шаҳар, Шайхонтохур тумани Фуркат кўчаси 6-уй манзил бўйича тақдим этилади.

2.2. Таклифлар солинган конверт танловни ташкиллаштириш ва ўтказишга масъул шахсга рўйхатга олиш китобида топширувчи (ишончномасига асосан) ва қабул қилувчи шахслар имзоси остида, қабул қилишнинг санаси ва вақтини қайд этиш йўли билан қабул қилинади.

2.3. Танлов талабгори битта лотга фақат битта таклиф беришга ҳақли.

2.4. Танлов талабгори тақдим этилаётган маълумот ва ҳужжатларнинг хақиқийлиги ва тўғрилиги учун жавобгар бўлади.

2.5. Танлов талабгори тақдим этилган таклифларни бериш муддати тугагунига қадар берилган таклифни қақриб олишга ёки унга ўзгартиришлар киритишга ҳақли.

2.6. Танловга таклифларни қабул қилиш элонда кўрсатилган вақтда тугатилади.

3. Иштирокчиларга қўйиладиган талаблар

3.1. Шартномани бажариш учун зарур техник, молиявий, моддий, кадрлар ресурсларининг ҳамда бошқа ресурсларнинг мавжудлиги.

3.2. Шартнома тузиш учун қонуний ҳуқуққа эгалик

3.3. Солиқлар ва йиғимларни тўлаш бўйича муддати ўтган қарздорликнинг мавжуд эмаслиги.

3.4. Ўзига нисбатан жорий этилган банкротлик тартиб-таомилларининг мавжуд эмаслиги

3.5. Инсофсиз ижрочиларнинг ягона реестрида қайд этилмаганлиги.

4.6. Танлаш иштирокчилари томонидан коррупция кўринишларига йўл қўймаслик бўйича ариза тақдим этиш.

4. Харид қилиш ҳужжатлари ва харид қилиш тартиб-таомиллари юзасидан тушунтиришлар

4.1. Иштирокчилар харид қилиш ҳужжатлари ва танлаш юзасидан тушунтиришлар олиш учун мурожаат қилиши ҳақли ва тушунтириш бериш тўғрисида сўров келиб тушган санадан эътиборан икки иш куни ичида, лекин таклифлар бериш муддати тугайдиган санадан камида бир кун олдин келиб тушган бўлса, ушбу сўровга сўров шакли билан бир хил шаклда жавоб тақдим этилади. Тушунтиришлар олиш учун мурожаат қилиш тугайдиган сана таклифлар бериш муддати тугайдиган санадан бир кун олдинги кун ҳисобланади.

5. Иштирокчини танлашда иштирок этишдан четлатиш шартлари.

5.1. Харид комиссияси ёки давлат харидлари электрон тизимининг оператори иштирокчини танлашда иштирок этишдан четлатади, агар:

У тўғрисида Инсофсиз ижрочиларнинг ягона реестрида қайд мавжуд бўлса унда солиқлар ва йиғимларни тўлаш бўйича муддати ўтган қарздорлик мавжуд бўлса;

ўзига нисбатан банкротлик тартиб-таомиллари жорий этилган бўлса; иштирокчи харид қилиш ҳужжатларининг малака, техник ва тижорат талабларига жавоб бермаса;

иштирокчи давлат харидлари жараёнида давлат буюртмачиси томонидан бирор-бир хатти-ҳаракатнинг содир этилишига, қарор қабул қилинишига ёки бирор-бир харид қилиш тартиб-таомилларининг қўлланилишига таъсир ўтказиш мақсадида давлат буюртмачисининг ёки бошқа давлат органининг исталган ҳозирги ёки собиқ мансабдор шахсига ёки ходимига ҳар қандай шаклдаги ҳакни, ишга ёллаш тўғрисидаги таклифни ёхуд исталган бошқа қимматбаҳо ашёни ёки хизматни бевосита ёхуд билвосита таклиф қилса, берса ёки беришга розилик билдирса;

иштирокчи рақобатга қарши ҳаракатларни содир этса ёки қонунчиликни бузган ҳолда манфаатлар тўқнашувини келтириб чиқарса, шунингдек аффилиланганлик ҳоллари аниқланса.

6. Танлаш предмети

6.1. Шайхонтохур тумани Павел Бенков номидаги Республика ихтисослаштирилган рассомлик мактаб "Б" блокининг хоналари ва йўлақларини жорий таъмирлаш.

6.2. Шайхонтохур тумани Павел Бенков номидаги Республика ихтисослаштирилган рассомлик мактаб "Б" блокининг хоналари ва йўлақларини жорий таъмирлаш бўйича тақдим этиладиган максимал нарх 632 000 000 (махкур нарх барча солиқ ва мажбурий тўловларни ҳисобга олган ҳолда)

7. Бажариладиган ишлар тўғрисида маълумот

7.1. Буюртмачи – Павел Бенков номидаги Республика ихтисослаштирилган рассомлик мактаб

Манзили:100021, Тошкент шаҳар, Шайхонтохур тумани Фуркат кўчаси 6-уй.
Танловни ташкил этиш ва ўтказиш учун масъул шахс – давлат харидлари бўйича ходим
Тогаев Бахтиер Тел: 93 533-23-33 (09:00 дан 18:00 гача)

7.2. Танлаш Тошкент шаҳар, Шайхонтохур тумани Фуркат кўчаси 6-уй, эълон
муддати тугаган кундан бошлаб бир иш кунидан кейинги кун (якшанба кунлари дам
олиш куни ҳисобланади) соат 15:00да ўтказилади.

7.3. Хизматнинг муқобил вариантлари смета асосида.

7.4. Танловда иштирок этиш учун таклифлар узбек ва рус тилларида бўлиши шарт.

8. Ижрочилар билан ҳисоб-китобларни шакллантириш учун фойдаланиладиган валюта, тўлов тартиби ва етказиб бериш шартлари.

8.1. Ҳисоб-китоблар миллий валюта сўмда нақд пулсиз ҳисоб-китоблар тарзида
амалга оширилади шунингдек, тўлов ва кафолатлар шартлари бўйича шартнома
тузилгандан сўнг 5 иш кунидан 30% олдиндан тўлов амалга оширилади. қолган 70% пул
маблағлари иш якунлангандан сўнг 10 банк иш кунидан тўлиқ ўтказиб берилади.

8.2. Иштирокчи танлаш таклифларини тайёрлаш ва тақдим этиш давомида
сарфланган барча молиявий харажатларни ўз ҳисобидан қоплайди.

8.3.Иштирокчи танлашда ғолиб чиққан тақдирда буюртмачи билан шартнома тузади.

9.Танлов иштирокчиларининг баҳолаш мезони

Мазкур мезон Ўзбекистон Республикасининг 2021 йил 22-апрелдаги ЎРҚ 684-сон
“Давлат харидлари тўғрисида”ги қонунга асосан ишлаб чиқилган.

Баҳолаш мезони Павел Беньков номидаги РИРМ қўйилган хизматни бажариш мақсадида
иштирок этиш истагини билдирган муносиб номзодларни танлаб олишни белгилайди.

Танлов деганда шартномани бажариш бўйича энг яхши шартларни (ишни сифатли
ўз вақтида, реал бажариш)ни таклиф қилган иштирокчи ғолиб топиладиган харид қилиш
тартиб тамоилини амалга оширишнинг тури тушинилади.

Иштирокчилар қуйидаги ҳужжатларни конвертда ёпиқ-мухирланган ҳолатда
кузатув хати билан тақдим этишлари лозим. (Танлов иштирокчиларининг таклифлари иш
билан тикилган, рақамланган, муҳр қўйилган ва иштирокчининг ваколатли шахсининг
имзоси билан тасдиқланган ёки таклифларнинг ҳар бир варағи имзоланган ҳолда тақдим
этиш тавсия этилади.)

1. Номзод хўжалик юртурувчи субъектнинг Устави нусхаси.
2. Гувоҳнома нусхаси.
3. Танлов комиссия раиси номига танловда иштирок этиш бўйича мурожаат хати
(фирменный бланка).
4. Кафолат хати.
5. Танлов жараёнида ташкилот (жамият) раҳбарининг иштирок эта олмаслик ҳолати
кузатилса, тасдиқланган ишончнома орқали танловда иштирок этиш ваколати танловда
иштирок эта оладиган вакилга берилганлиги.
6. Танлов иштирокчиларининг таклиф қилган корхонасининг энг камида бир йиллик
тажрибага эга бўлишлилиги.
7. Танлов иштирокчиси шартномани бажариш учун зарур техник, молиявий, моддий, базаси
борлиги ҳақида ташкилотга тегишлилиги ҳақида маълумот.
8. Карататека -2 да қарздорлик мавжуд ёки мавжуд эмаслиги тўғрисида маълумот.
9. Кадрларга оид ва бошқа ресурсларнинг борлиги, шунингдек ишчиларнинг 3 йилдан кам
бўлмаган стажга эга эканлиги ҳақида маълумот (меҳнат дафтарча нусхаси)

10. Солиқлар ва бошқа мажбурий тўловларни тўлаш бўйича қарздорлик йўқлиги
11. Ўзига нисбатан банкротлик тартиб-таомилларининг мавжуд эмаслиги
12. Лицензияси мавжудлиги (Агар лицензиялаш талаб этилган бўлса)
13. Тижорат таклифида ҚҚС бор йўқлиги тўлиқ кўрсатилиши лозим.
14. Ишни бажариш учун смета ҳужжатлари (оферта)
15. Танлов иштирокчиси тўғрисида умумий, тўлиқ маълумот
16. Танлов иштирокчисининг молиявий ҳолати тўғрисида маълумот (тасдиқловчи ҳужжатларни тақдим қилган ҳолда) ваколатли орган томонидан тасдиқланган.

Тақдим этилиши лозим бўлган ҳужжатларнинг 1; 2; 3; 7; 10; 11; 15; -рақамдаги талаблардан бири тақдим этилмаган тақдирда номзодга кейинги босқичга ўтишга рухсат берилмайди.

Танлов иштирокчиларини ҳозир бўлган ваколатли вакиллари ўзларининг иштироки ҳақида гувоҳлик белгиси сифатида реестрга ўз имзоларини қўйишлари керак.

Таклифни ҳисобдан чиқариш ҳақидаги хабарномалар берилган таклифлар очилмайди. Йиғма жилдлар таркибини ўрганиш ва баҳолаш, шунингдек танлов ғолибини аниқлаш ёпиқ йиғилишларда амалга оширилади. Танлов таклифларини ўрганиш ва баҳолашга оид ахборот ошқор қилинмайди, қонунчиликда назарда тутилган ҳоллар бундан мустасно.

Тақдим этилган таклифлар очилгунга қадар бутлиги учун жавобгарлик танлов ташкилотчиси зиммасида бўлади.

Таклифларни баҳолаш даври танлов таклифлари очилган кундан этборан узоғи билан 3 кунни ташкил этади.

Танлов комиссияси ташқи конверти (1-йиғма жилд ҳужжатларини) очади, таклифларни тўғри тўлдирилганлиги, имзоланганлиги ва умумий ҳолати юзасидан ўрганади, танлов иштирокчилар малакасини баҳолаш амалга оширади.

Малака баҳоланганидан сўнг малакадан ўтган ва 2 йиғма жилдни очишга рухсат олган танлов иштирокчилари элон қилинади.

Танлов комиссияси 1-йиғма жилдлар таркибини ўрганиш ва баҳолаш натижалари элон қилинмасдан олдин танлов иштирокчиларнинг 2-йиғма жилдларини очишга ҳаққи йўқ.

Танлов комиссияси ички конверти (2-йиғма жилд ҳужжатларини) очади, уларни ўрганади, баҳолашни ўтказиши, ғолибни аниқлайди ёки бошқа қарорларни қабул қилади.

Малака танловидан ўтган номзодларнинг тақдим этилган ҳужжатлари қуйидаги тартибда баҳоланади.

Тақдим этилиши лозим бўлган ҳужжатларнинг тўлиқлиги - 20 баллгача

Таклиф этилган нархнинг арзонлиги қиймати - 20 баллгача

Танлов предмети бўлган хизматни бажаришнинг муддати - 20 баллгача

Танлов комиссиясининг барча қарорлари кўпчилик овоз билан қабул қилинади, овозлар тенг бўлганда комиссия раисининг овози ҳал қилувчи ҳисобланади.

Танлов комиссияси томонидан танлов иштирокчилар тақдим этган маълумотлар нотўғрилиги аниқланган ҳолда, танлов комиссияси ушбу танлов таклифини рад қилишга ҳақли.

Танлов комиссияси танлов ҳужжатлари талабларидан таклифдаги ахамиятсиз фарқларни этиборга олмасликка ҳақли, агарда улар бошқа қатнашчилар рейтингига таъсир қилмаса.

Танлов комиссиясининг ҳар бир йиғилишида баённома юритилади.


Танловга киритилмаган ёки рад қилинган (дисквалификация қилинган) таклифлар баённомада қайт этилиб, уларни рад қилиш ёки дисквалификация қилиш сабаблари кўрсатилади.

Танлов комиссияси танлов таклифларини батафсил ўрганиш ва баҳолаш учун баҳолаш гуруҳларини тузиш мумкин. Баҳолаш гуруҳларининг таркибига танлов комиссияси аъзолари билан биргаликда жалб қилинган эксперт ва консултатлар (танлов комиссиясининг қарори бўйича) киритилиши мумкин.

Ушбу талабнома Павел Бенъков номидаги Республика ихтисослаштирилган рассомлик мактаб томонидан тузилган комиссия томонидан тузиб чиқилди.

Харид комиссияси раиси ва аъзолари таркиби

Харид комиссияси раиси




У.Хакимов

Харид комиссияси аъзоси



Ф.Зокиржонов

Харид комиссияси аъзоси



Тогаев Б

Харид комиссияси аъзоси



Ражабов Н

Харид комиссияси аъзоси



Б.Шокаримов

Харид комиссияси аъзоси



С.Кучкарова